

մասը յատկացնել օժիտ պատրաստելու: Այդ մի ձեռնարկութեամբ արդէն ճանապարհ էր հարթուած, որպէսզի գնման սովորութիւնն աստիճանաբար չքանար. որովհետև կարելի էր ենթադրել, որ օսերը ժամանակի ընթացքում, վարժուելով հարսի գնման վերաբերեալ ձեռք առած միջոցների գաղափարին, յետագայում միանգամայն համաձայնուէին ամբողջ «իրազի» գումարը յատկացնելու օժիտին ¹⁾:

Առաջ բերենք մի քանի օրինակներ հայոց սովորութեան իրաւունքից, որոնք թէև աղօտ, բայց և այնպէս որոշ չափով կարող են լուսաբանել, որ մեր ժողովրդի կեանքումն էլ օժիտի ու գլխազնի սովորութիւնները, համեմատելով վերոյիշեալ փաստերի հետ, նման պատկեր են ներկայացնում. օժիտի ու գլխազնի փոխադարձ առընչութիւնները նոյնանման նշանակութիւն են ունեցել կամ ունեն և նոյն իրաւաբանական հետեանքի են յանգում:

Փանձակի գաւառում այն գումարը, մօտաւորապէս 15—100 բուբլի, որ աղի հայրը վճարում է ազջկայ հօրը, կոչւում է երեսջուր կամ մի շատ բնորոշ խօսքով *պեժինքի փող*, որովհետև այդ գումարի մի մասը ծախուում է հարսնացուի օժիտի՝ բաժինքի վրայ ²⁾:

Ջաւախքում հարսի օժիտը պատրաստուում է հաղեմասու, սաչուի և ևրեստեսանքի փողերով: Ազջկայ հայրը ոչ միայն իրենից սչինչ չի վճարում, այլ և այդ փողերից աշխատում է գոգանալ ³⁾:

Վերոյիշեալ երկու օրինակներից պարզ հետևում է, որ գլխազնի փողերի մի մասը յատկացւում է օժիտի համար և դառնում հարսնացուի անձնական սեփականութիւն:

Ձանգեզուրում, երբ խնամախօսներն ու պատգամները սակարկում են և որոշում, թէ որքան պէտք է աղայի հայրը վճարի, միևնոյն ժամանակ որոշում են, ՚ի հարկէ

¹⁾ М. Ковалевский—Древний законъ и современный бычаи, т.-I. стр. 248.

²⁾ Ե. Լալայեան—Փանձակի գաւառ, էր. 22.

³⁾ Նոյն—Ջաւախք, էր. 151.